



楚辭卷下

九辯第八



九辯者楚大夫宋玉之所作也辯者變也謂
陳道德以變說君也九者陽之數道之綱紀
也故天有九星以正機衡地有九州以成萬
邦人有九竅以通精明屈原懷忠貞之性而
被讒邪傷君闇蔽國將危亡乃援天地之數
列人形之要而作九歌九章之頌以諷諫懷
王明已所也合度可履而行也宋玉

者屈原弟子也閔惜其師忠而放逐故作九
辯以述其志至於漢興劉向王褒之徒咸悲
其文依而作詞故號爲楚詞亦承其九以立

義馬

悲哉秋之爲氣也蕭瑟兮草木槁落而變衰慄慄
兮若在遠行登山臨水兮送將歸沈寥兮天高而
氣清宋巖兮收潦而水清憫悽增歎兮薄寒之中
人愴怳憤恨兮去故而就新坎廩兮貧士失職而
志不平廓落兮羈旅而無友生惆悵兮而私自憐
燕翩翩其辭歸兮蟬宗漠而無聲鴈雖雖而南遊
兮鷓鴣啁晰而悲鳴獨申旦而不寐兮哀蟋蟀之
宵征時疊疊而過中兮蹇淹留而無成

右一

悲憂窮感兮獨處廓有美一人兮心不釋去鄉離
家兮徠遠客超逍遙兮今焉薄專思君兮不可化
君不知兮可奈何蓄怨兮積思心煩憺兮忘食事
願一見兮道余意君之心兮與余異車旣駕兮竭
而歸不得見兮心傷悲倚結幹兮長太息涕潺湲

今下霑軼慷慨絕今不得中替亂今迷惑私自憐
今何極心忤忤今諒直

右二

皇天平分四時今竊獨悲此凜秋白露既下百草
今奄離披此梧楸去白日之昭昭今襲長夜之悠
悠離芳藹之方壯今余萎約而悲愁秋旣先戒之
以白露今冬又申之以嚴霜收恢炁之孟夏今然
歔條而沈藏葉菸邑而無色今枝煩拏而交橫顏
淫溢而將罷今柯彷彿而萎黃薊櫛櫛之可哀今

形銷鑠而瘵傷惟其紛糝而將落今恨其失時而
無當擊駢轡而下節今聊逍遙以相伴歲忽忽而
適盡今恐余壽之弗將悼余生之不時今逢此世
之任攘澹容與而獨倚今蟋蟀鳴此西堂心怵惕
而震盪今何所憂之多方仰明月而太息今步列
星而極明

右三

竊悲夫蕙華之曾敷今紛旖旎乎都房何曾華之
無實今從風雨而飛颺以爲君獨服此蕙今羌無

以異於衆芳閔奇思之不通兮將去君而高翔心
閔憐之慘悽兮願一見而有明重無怨而生離兮
中結軫而增傷豈不鬱陶而思君兮君之門以九
重猛犬狺狺而迎吠兮關梁閉而不通皇天淫溢
而秋霖兮后土何時而得乾塊獨守此無澤兮仰
浮雲而永歎

右四

何時俗之工巧兮背繩墨而改錯卻騏驥而不乘
兮策駑駘而取路當世豈無騏驥兮誠莫之能善
御見執轡者非其人兮故踟跳而遠去鳧鴈皆喙
夫梁藻兮鳳愈飄翔而高舉園鑿而方枘兮吾固
知其鉏鋸而難入衆鳥皆有所登棲兮鳳獨惶惶
而無所集願銜枚而無言兮嘗被君之渥洽太公
九十乃顯榮兮誠未遇其匹合謂騏驥兮安歸謂
鳳凰兮安棲變古易俗兮世衰今之相者兮舉肥
騏驥伏匿而不見兮鳳凰高飛而不下鳥獸猶知
懷德兮何云賢士之不處騏不驟進而求服兮鳳
亦不貪餒而妄食君棄遠而不察兮雖願忠其焉

得欲寂寞而絕端兮竊不敢忘初之厚德獨悲愁
其傷人兮馮鬱鬱其安極

右五

霜露慘悽而交下兮心尚幸其弗濟霰雪雰糅其
增加兮乃知遭命之將至願徼幸而有待兮泊莽
莽兮與埜草同歿願自往而徑遊兮路壅絕而不
通欲循道而平驅兮又未知其所從然中路而迷
惑兮自壓按而學誦性愚陋以褊淺兮信未達乎
從容竊羨申包胥之氣盛兮恐時世之不固何時

俗之工巧兮滅規榘而改鑿獨耿介而不隨兮願
慕先聖之遺教處濁世而顯榮兮非余心之所樂
與其無義而有名兮寧窮處而守高食不媮而爲
飽兮衣不苟而爲溫竊慕詩人之遺風兮願託志
乎素餐蹇克偃而無端兮泊莽莽而無垠無衣裘
以禦冬兮恐溘歿而不得見乎陽春

右六

靚杪秋之遙夜兮心繚悒而有哀春秋違違而日
高兮然惆悵而自悲四時遞來而卒歲兮陰陽不

楚辭 下卷 五
可與儷偕白日晼晚其將入兮明月銷鑠而滅毀
歲忽忽而適盡兮老冉冉而俞弛心搖悅而日昃
兮然怊悵而無冀中憫惻之悽愴兮長太息而增
歎年洋洋以日往兮老膠廓而無處事疊疊而覲
進兮蹇淹留而躊躇

右七

何泥濫之浮雲兮焱壅蔽此明月忠昭昭而願見
兮然露晷而莫達願皓日之顯行兮雲濛濛而蔽
之竊不自聊而願忠兮或黥黥而汙之堯舜之抗
行兮瞭冥冥而薄天何險巇之嫉妬兮被以不慈
之僞名彼日月之照明兮尚黥黥而有瑕何況一
國之事兮亦多端而膠加被荷禍之晏晏兮然瀆
洋而不可帶旣驕美而伐武兮負左右之耿介憎
愠愉之修美兮好夫人之慷慨衆踈蹠而日進兮
美超遠而逾邁農夫輟耕而容與兮恐田野之蕪
穢事綿綿而多私兮竊悼後之危敗世雷同而炫
耀兮何毀譽之昧昧兮修飾而窺鏡兮後尚可以
竄藏願寄言夫流星兮羌儵忽而難當卒壅蔽此

浮雲兮下暗漠而無光

右八

堯舜皆有所舉任兮故高枕而自適諒無怨於天
下兮心焉取此怵惕榮驥驥之瀏瀏兮馭安用夫
強策諒城郭之不足恃兮雖重介之何益邈翼翼
而無終兮恹惛惛而愁約生天地之若過兮功不
成而無效願沈滯而無見兮尚欲布名乎天下然
潢洋而不遇兮直恂恂而自苦莽洋洋而無極兮
忽翱翔之焉薄國有驥而不知乘兮焉皇皇而更

索審戚謳於車下兮桓公聞而知之無伯樂之善
相兮今誰使乎訾之罔流涕以聊慮兮惟著意而
得之紛純純之願忠兮妬被離而鄣之願賜不肖
之軀而別離兮放遊志乎雲中乘精氣之搏搏兮
騫諸神之湛湛驂白霓之習習兮歷羣靈之豐左
朱雀之芟芟兮古蒼龍之躍躍屬雷師之闐闐兮
通飛廉之衙衙前輕輦之鏘鏘兮後輜乘之從從
載雲旗之委蛇兮扈屯騎之容容計專專之不可
化兮願遂推而爲臧賴皇天之厚德兮還及君之

無恙

右九

招魂第九

招魂者宋王之所作也招者召也以手曰招以言曰召魂者身之精也宋王憐哀屈原忠而斥棄愁懣山澤魂鬼放佚厥命將落故作招魂欲以復其精神延其年壽外陳四方之惡內崇楚國之美以諷諫懷王冀其覺悟而還之也

朕幼清以廉潔兮身服義而未沫主此盛德兮牽於俗而蕪穢上無所考此盛德兮長離殃而愁苦帝告巫陽曰有人在下我欲輔之魂魄離散汝筮予之巫陽對曰掌竈上帝其命難從若必筮予之恐後之謝不能復用巫陽焉乃下招曰魂兮歸來去君之恒幹何爲乎四方些含君之樂處而離彼不祥些魂兮歸來東方不可以託些長人千仞唯鬼是索些十日代出流金鑠石些彼皆習之鬼往必釋些歸來歸來不可以託些魂兮歸來南方不

可以止些雕題黑齒得人肉而祀以其骨爲醢些
蝮蛇綦綦封狐千里些雄虺九首往來儵忽吞人
以益其心些歸來歸來不可以久淫些蒐兮歸來
西方之害流沙千里些旋入雷淵麋斂而不可止
些烝而得脫其外曠宇些赤蟻若象玄蓬蠹若壺些
五穀不生叢菅是食些其土爛人求水無所得些
彷徨無所倚廣大無所極些歸來歸來恐自遺賊
些蒐兮歸來北方不可以止些增冰峨峨飛雪千
里些歸來不可以久些蒐兮歸來君無上天些虎
豹九關啄害下人些一夫九首拔木九千些豺狼
從目往來佻佻些懸人以娛投之深淵些致命於
帝然後得瞑些歸來歸來往恐危身些蒐兮歸來
君無下此幽都些土伯九約其角鬻鬻些敦朕血
拇逐人駉駉些參目虎首其身若牛些此皆甘人
歸來歸來恐自遺災些蒐兮歸來入修門些工祝
招君背行先些秦篝齊縷鄭綿絡些招具該備永
嘯呼些蒐兮歸來反故居些天地四方多賊姦些
像設君室靜閒安些高堂邃宇檻層軒些層臺累

榭臨高山些網戶朱綵刻方連些冬有突夏夏室
寒些川谷徑復流潺湲些光風轉蕙汜崇蘭些經
堂入奧朱塵筵些砥室翠翹挂曲瓊些翡翠珠被
爛齊光些翦阿拂壁羅幃張些纂組綺縞結琦璜
些室中之觀多珍怪些蘭膏明燭華容備些二八
侍宿射遞代些九侯淑女多迅衆些盛鬢不同制
實滿宮些容態好比順彌代些弱顏固植審其有
意些姱容修態紉洞房些蛾眉曼睩目騰光些靡
顏膩理遺視矚些離榭修幕侍君之間些翡翠帷翠
幃飾高堂些紅壁沙版玄玉之梁些仰觀刻桷畫
龍蛇些坐堂伏檻臨曲池些芙蓉始發襍芰荷些
紫莖屏風交綠波些文異豹飾侍陂陀些軒轅旣
低步騎羅些蘭薄戶樹瓊木籬些菟兮歸來何遠
爲些室家遂宗食多方些稻粢穉麥挈黃梁些大
苦鹹酸辛甘行些肥牛之臄臠若芳些和酸若苦
陳吳羹些臠鼈炮羔有柘漿些鵠酸臠臠煎鴻鶻
些露雞臠螭厲而不爽些秬秠蜜餌有餒餽些瑤
漿蠶勺實羽觴些挫糟凍飲耐清涼些華酌既陳

有瓊漿些歸來反故室敬而無妨些肴羞未通女
樂羅些傲鍾按鼓造新歌些涉江采菱發揚荷些
美人既醉朱顏酡些嫉光眇視目曾波些被文服
纖麗而不奇些長髮曼鬢豔陸離些二八齊容起
鄭舞些社若交竿撫案下些竿瑟狂會擗鳴鼓些
宮庭震驚發激楚些吳歛蔡謳奏大呂些士女雜
坐亂而不分些放傲組纓班其相紛些鄭衛妖玩
來雜陳些激楚之結獨秀先些菀蔽象碁有六簿
些分曹並進逾相迫些成臬而牟呼五白些晉制
犀比費白日些鏗鐘搖箎揆梓瑟些娛酒不廢沈
日夜些二人有所極同心賦些耐飲盡歡樂先故些
寃兮歸來反故居些亂曰獻歲發春兮汨吾南征
藁蘋齊葉兮白芷生路貫廬江兮左長薄倚沼畦
瀛兮遙望博青驪結駟兮齊千乘懸火延起兮玄
顏烝步及驟處兮誘騁先抑鶩若通兮引車右還
與王趨夢兮課後先君王親發兮憚青兕朱明承
夜兮時不可以淹臯蘭被徑兮斯路漸湛湛江水
今上有楓目極千里兮傷心悲寃兮歸來哀江南

大招第十

大招者屈原之所作也或曰景差疑不能明也屈原放流九年憂思煩亂精神越斂與形離別恐命將終所行不遂故憤然大招其意盛稱楚國之樂崇懷襄之德以比三王能任用賢公卿明察能薦舉人宜輔佐之以興至治因以風諫達已之志也

青春受謝白日昭只春氣奮發萬物遽只冥淩泱行蒐無逃只蒐魄歸徠無遠遙只蒐乎歸徠無東無西無南無北只東有大海溺水泚泚只螭龍竝流上下悠悠只霧雨淫淫白皓膠只蒐乎無東湯谷宗只蒐乎無南南有炎火千里蝮蛇蜒只山林險隘虎豹蜿只鰐鱗短狐王虺騫只蒐乎無南蜮傷躬只蒐乎無西西方流沙漭洋洋只豕首縱目被髮鬢只長爪踞牙譏笑狂只蒐乎無西多害傷只蒐乎無北北有寒山連龍旄只伐水不可涉深不可測只天白顥顥寒凝凝只蒐乎無徃盈北極只蒐魄歸徠間以靜只自恣荆楚安以定只逞志

究欲心意安只窮身安樂年壽延只蒐乎歸徠樂
不可言只五穀六仞設菘梁只鼎膳盈望和致芳
只內鷓鴣味豺羹只蒐乎歸徠恣所嘗只鮮螭
甘雞和楚酪只醢豚苦狗膾苴蓐只吳酸蒿萋不
沾薄只蒐乎歸徠恣所擇只炙鵠烝鳧粘鶉噉只
煎鱖臠雀遽爽存只蒐乎歸徠麗以先只四耐并
孰不齧嗑只清馨凍飲不歎役只吳醴白蘘和楚
瀝只蒐乎歸徠不遽惕只代秦鄭衛鳴竿張只伏
戲馮辯楚勞商只謳和揚阿趙蕭倡只蒐乎歸徠
定空桑只二八接舞投詩賦只叩鏡調磬娛人亂
只四上競氣極聲變只蒐乎歸徠聽歌譟只朱唇
皓齒嫵以姱只比德好間習以都只豐肉微骨調
以娛只蒐乎歸徠安以舒只嫵目宜笑娥眉曼只
容則秀雅穉朱顏只蒐乎歸徠靜以安只姱修滂
浩麗以佳只會頰倚耳曲眉規只滂心綽態姣麗
施只小腰秀頸若鮮卑只蒐乎歸徠思怨移只易
中利心以動作只粉白黛黑施芳澤只長袂拂面
善鬻客只蒐乎歸徠以娛管只青色直眉美目媚

只鬻輔奇牙宜笑嗎只豐肉微骨體便娟只蒐乎
歸徠恣所便只夏屋廣大沙堂秀只南方小壇觀
絕雷只曲屋步墻宜擾畜只騰駕步遊獵春圃只
瓊轂鎔衡英萃假只蒞蘭桂樹鬱彌路只蒐乎歸
徠恣志慮只孔雀盈園畜鸞皇只鳴鴻羣晨雜鶴
鶴只鴻鵠代遊曼鸕鷀只蒐乎歸徠鳳皇翔只曼
澤怡面血氣盛只永宜厥身保壽命只室家盈廷
爵祿盛只蒐乎歸徠居室定只接徑千里出若雲
只三圭重侯聽顛神只察篤天隱孤寡存只蒐乎
歸來正始昆只田邑千畛人阜昌只美冒衆流德
澤章只先威後文善美明只蒐乎歸徠賞罰當只
名聲若日照四海只德譽配天萬民理只北至幽
陵南交趾只西薄羊腸東窮海只蒐乎歸徠尚賢
士只發政獻行禁苛暴只舉傑壑陞誅譏罷只直
羸在位近禹麾只豪傑執政流澤施只蒐乎徠歸
國家爲只雄雄赫赫天德明只三公穆穆登降堂
只諸侯畢極立九卿只昭質旣設大侯張只執弓
挾矢揖辭讓只蒐乎歸尚三王只

惜誓第十一

惜誓者不知誰所作也或曰賈誼疑不能明也惜者哀也誓者信也約也言哀惜懷王與已信約而復背之也古者君臣將共爲治必以信誓相約然後言乃從而身以親也蓋刺懷王有始無終也

惜余年老而日衰兮歲忽忽而不反登蒼天而高舉兮歷衆山而日遠觀江河之紆曲兮離四海之濶濶攀北極而一息兮吸沆瀣以克虛飛朱鳥使

先驅兮駕太一之象輿蒼龍蚴虬於左騶兮白虎騁而爲右駢建日月以爲蓋兮載玉女於後車馳驚於杳冥之中兮休息虜崑崙之墟樂窮極而不厭兮願從容虜神明涉丹水而馳騁兮右大夏之遺風鴻鵠之一舉兮知山川之紆曲再舉兮睹天地之圓方臨中國之衆人兮託回飈乎尚羊乃至少原之壑兮赤松王喬皆在旁二子擁瑟而調均兮余曰稱乎清商澹然而自樂兮吸衆氣而翱翔念我長生而久僊兮下如反吾之故鄉黃鵠後時

而寄處兮鳴梟羣而制之神龍失水而陸居兮爲
螻蟻之所裁夫黃鵠神龍猶如此兮况賢者之逢
亂世哉壽冉冉而日衰兮固儻回而不息俗流從
而不止兮衆枉聚而矯直或偷合而苟進兮或隱
居而深藏苦稱量之不審兮同權槩而就衡或推
逸而苟容兮或直言之諤諤傷誠是之不察兮并
紉茅絲以爲索方世俗之幽昏兮眩白黑之美惡
放山淵之龜玉兮相與貴夫礫石梅伯數諫而至
醢兮來革順志而用國悲仁人之盡節兮反爲小
人之所賊比干忠諫而剖心兮箕子被髮而佯狂
水背流而源竭兮木去根而不長非重軀以慮難
兮惜傷身之無功已矣哉獨不見夫鸞鳳之高翔
兮乃集太皇之壑循四極而回周兮見盛德而後
下彼聖人之神德兮遠濁世而自藏使麒麟可得
羈而係兮又何以異虜犬羊

招隱士第十二

招隱士者淮南小山之所作也管淮南王安
博雅好古招懷天下俊偉之士自八公之徒

交商
咸慕其德而歸其仁谷竭才智著作篇章分
造辭賦以類相從故或稱小山或稱大山其
義猶詩有小雅大雅也小山之徒閔傷屈原
又怪其文昇天乘雲役使百神似若僇者雖
身沈役名德顯聞與隱處山澤無異故作招
隱士之賦以章其志也

桂樹叢生兮山之幽偃蹇連蜷兮枝相繚山氣籠
嵒兮石嵯峨谿谷嶄巖兮水曾波後狻羣嘯兮虎
豹嗥攀援桂枝兮聊淹留王孫遊兮不歸春草生
兮萋萋歲暮兮不自聊噓蛄鳴兮啾啾塊兮軋山
曲岬心淹留兮洞荒忽罔兮沕憊兮慄虎豹岵叢
薄深林兮人上慄嶽崿礧礧兮碣磈磈樹輪相
糺兮林木菱飢青莎雜樹兮蘋草霍靡白鹿麇麇
兮或騰或倚狀貌唵唵兮峨峨萋萋兮漣漣獼猴
兮熊羆慕顙兮以悲攀援桂枝兮聊淹留虎豹闕
不可以久留

七諫第十三

楚辭 卷一
七諫者東方朔之所作也諫者正也謂陳法
度以諫正君也古者人臣三諫不從退而待
放屈原與楚同姓無相去之義故加爲七諫
懇懃之意忠厚之節也或曰七諫者法天子
有爭臣七人也東方朔追憫屈原故作此辭
以述其志以昭忠信矯曲朝也

平生於國兮長於原
堃言語訥謚兮又無彊輔淺
智福能兮聞見又寡數言
便事兮見怨門下王不
察其長利兮卒見棄乎原
堃伏念思過兮無可改
者羣衆成朋兮上浸以惑
巧佞在前兮賢者滅息
堯舜聖已沒兮孰爲忠直
高山崔巍兮水流湯湯
苑日將至兮與麋鹿同坑
塊鞠兮當道宿舉世皆
然兮余將誰告斥逐鴻鵠
兮近習鴟梟斬伐橘柚
兮列樹苦桃便娟之脩竹
兮寄生乎江潭上歲難
而防露兮下泠泠而來風
孰知其不合兮若竹柏
之異心往者不可及兮
來者不可待悠悠蒼天兮
莫我振理竊怨君之不寤
兮吾獨歿而後已

初放

惟往古之得失兮覽私微之所傷堯舜聖而慈仁
今後世稱而弗忘齊桓失於專任兮夷吾忠而名
彰晉獻惑於驪姬兮申生孝而被殃偃王行其仁
義兮荆文寤而徐亡紂暴虐而失位兮周得佐乎
呂望脩往古以行恩兮封比干之丘隴賢俊慕而
自附今日浸淫而合同明法令而脩理兮蘭芷幽
而有芳苦衆人之妬予兮箕子寤而佯狂不顧地
以貪名兮心怫鬱而內傷聯蕙芷以爲佩兮過鮑
肆而失香正臣端其操行兮反離謗而見攘世俗

更而變化兮伯夷餓於首陽獨廉潔而不容兮叔
齊久而逾明浮雲陳而蔽晦兮使日月乎無光忠
臣貞而欲諫兮讒諛毀而在旁秋草榮其將實兮
微霜下而夜降商風肅而害生兮百草育而不長
衆竝諧以妬賢兮狐聖特而易傷懷計謀而不見
用兮巖穴處而隱藏成功窻而不卒兮子胥死而
不葬世從俗而變化兮隨風靡而成行信直退而
毀敗兮虛僞進而得當追悔過之無及兮豈盡忠
而有功廢制度而不用兮私行私而去公終不變

而死節兮惜年齒之未央將方舟而下流兮冀幸
君之發矇痛忠言之逆耳兮恨申子之沈江願悉
心之所聞兮遭值君之不聰不開寤而難道兮不
別橫之與縱聽姦臣之浮說兮絕國家之久長滅
規槩而不用兮背繩墨之正方離憂患而乃寤兮
若縱火於秋蓬業失之而不救兮尚何論乎禍凶
彼離畔而朋黨兮獨行之士其何望日漸染而不
自知兮秋毫微哉而變容衆輕積而折軸兮原咎
維而累重赴湘沅之流澌兮恐逐波而復東懷沙
礫而自沈兮不忍見君之蔽壅

沈江

世沈淖而難論兮俗吟峨而嶮嵯清泠泠而殲滅
兮溷湛湛而日多梟鴞旣以成羣兮玄鶴弭翼而
屏移蓬艾親入御於牀第兮馬蘭蹠踣而日加棄
捐葯芷與杜蘅兮余奈世之不知芳何何周道之
平易兮然蕪穢而險戲高陽無故而委塵兮唐虞
點灼而毀議誰使正其真是兮雖有八師而不可
爲皇天保其高兮后土持其火服清白以逍遙兮

偏與乎玄英異色西施媿媿而不得見兮
蓼母勃屑而日侍桂蠹不知所淹留兮
蓼蟲不知徙乎葵菜處潛潛之濁世兮
今安所達乎吾志意有所載而遠逝兮
固非衆人之所識騷躊躇於弊輦兮
遇孫陽而得代呂望窮困而不聊生兮
遭周文而舒志寧戚飯牛而商歌兮
桓公聞而弗置路室女之方桑兮
孔子過之以自待吾獨乖刺而無當兮
心悼怵而耄思思比干之泯泯兮
哀子胥之慎事悲楚人之和氏兮
獻寶玉以爲石遇厲武之不察兮
羗兩足以畢斲小人之居勢兮
視忠正之何苦改前聖之法度兮
喜囁嚅而妄作親讒諛而疏賢聖兮
訟謂閭媿爲醜惡愉近習而蔽遠兮
孰知察其黑白卒不得效其心容兮
安眇眇而無所歸薄專精爽以自明兮
晦冥冥而壅蔽年既已過太半兮
然輜軻而留滯欲高飛而遠集兮
恐離罔而滅敗獨冤抑而無極兮
傷精神而壽天皇天既不純命兮
余生終無所依願自沈於江流兮
絕橫流而徑逝寧爲江海之泥塗兮
安能久見此濁世

怨世

賢士窮而隱處兮廉方正而不容子胥諫而靡軀
兮比干忠而剖心子推自剖而臥君兮德日忘而
怨深行明白而日黑兮荆棘聚而成林江離棄於
窮巷兮蕝藜蔓乎東廂賢者蔽而不見兮讒諛進
而相朋梟鴟竝進而俱鳴兮鳳皇飛而高翔願一
往而徑逝兮道壅絕而不通

怨思

居愁懃其誰告兮獨永思而憂悲內自省而不慙
兮操愈堅而不衰隱三年而無決兮歲忽忽其若
頽憐余身不足以卒意兮異一見而復歸哀人事
之不幸兮屬天命而委之咸池身被疾而不問兮
心沸熱其若湯冰炭不可以相並兮吾固知乎命
之不長哀獨苦苑之無樂兮惜予年之未央悲不
反余之所居兮恨離予之故鄉鳥獸驚而失羣兮
猶高飛而哀鳴狐苑必首丘兮夫人孰能不反其
真情故人疏而日忘兮新人近而愈好莫能行於
杳冥兮孰能施於無報苦衆人之皆然兮乘回風

而遠遊凌恒山其若陋兮聊愉娛以忘憂悲虛言
之無實兮苦衆口之鑠金過故鄉而一顧兮泣歔
歔而霑襟厭白玉以爲面兮懷琬琰以爲心邪氣
入而感內兮施玉色而外淫何青雲之流瀾兮微
霜降之蒙蒙徐風至而徘徊兮疾風過之湯湯聞
南藩樂而欲往兮至會稽而且止見韓衆而宿之
兮問天道之所在偕浮雲以送予兮載雌霓而爲
旌駕青龍以馳騫兮班衍衍之冥冥忽容容其安
之兮超慌忽其馬如苦衆人之難信兮願離羣而
遠舉登巒山而遠望兮好桂樹之冬榮觀天火之
炎煬兮聽大壑之波聲引八維以自道兮含沆瀣
以長生居不樂以時思兮食草木之秋實飲菌若
之朝露兮構桂木而爲室雜橘柚以爲囿兮列新
夷與椒楨鷓鶴孤而夜號兮哀居者之誠貞

自悲

哀時命之不合兮傷楚國之多憂內懷情之潔白
兮遭亂世而離尤惡耿介之直行兮世溷濁而不
知何君臣之相失兮上沅湘而兮離測汨羅之湘

楚辭
卷之九
水兮知時固而不反傷離散之交亂兮遂側身而
既遠處玄舍之幽門兮穴巖石而窟伏從水蛟而
爲徒兮與神龍乎休息何山石之嶄巖兮靈蒐屈
而偃蹇舍素水而蒙深兮日眇眇而既遠哀形體
之離解兮神罔兩而無舍惟椒蘭之反兮竟迷
惑而不知路願無過之設行兮雖滅沒之自樂痛
楚國之流亡兮哀靈修之過到固時俗之溷濁兮
志瞶迷而不知路念私門之正匠兮遙涉江而遠
去念女嬃之嬋媛兮涕泣流乎於悒我決死而不
生兮雖重追吾何及戲疾瀨之素水兮望高山之
蹇產哀高丘之赤岸兮遂沒身而不反

哀命

怨靈修之浩蕩兮夫何執操之不固悲太山之爲
隍兮孰江河之可涸願承間而效志兮恐犯忌而
干諱卒撫情以寂寞兮然怊悵而自悲玉與石而
同匱兮貫魚眼與珠璣駑駘雜而不分兮服罷牛
而驂驥年滔滔而日遠兮壽冉冉而愈衰心怵憚
而煩寃兮蹇超搖而無冀固時俗之工巧兮滅規

渠而改鎔却騏驥而不乘今策駑駘而取路當世
豈無騏驥兮誠無王良之善馭見執轡者非其人
兮故駒跳而遠去不量鑿而正柅兮恐架矧之不
同不論世而高舉兮恐操行之不調弧弓弛而不
張兮孰云知其所至無傾危之患難兮焉知賢士
之所死俗推佞而進富兮節行張而不著賢良蔽
而不羣兮朋曹比而黨譽邪枉說飾而多曲兮正
法弧而不公直士而辟匿兮讒諛登乎明堂棄彭
咸之娛樂兮廢巧倖之繩墨菑落雜於叢蒸兮機

蓬矢以射革駕蹇驢而無策兮又何路之能極以
直鍼而爲釣兮又何魚之能得伯牙之絕弦兮無
鍾子期而聽之和抱璞而泣血兮安得良工而剖
之同音者相和兮同類者相似飛鳥號其羣兮鹿
鳴求其友故叩宮而宮應兮彈角而角動虎嘯而
谷風至今龍舉而景雲徃音聲之相和兮言物類
之相感也夫方園之異形兮勢不可以相鎔列子
隱身而窮處兮世莫可以寄託衆鳥皆有行列兮
鳳獨翱翔而無所薄經濁世而不得志兮顧側身

巖穴而自託欲闔口而無言今嘗被君之厚德獨
便帽而懷毒今愁鬱鬱之馬極念三年之積思今
願一見而陳詞不及君而騁說今世孰可爲明之
身寢疾而日愁今情沈抑而不揚衆人莫可與論
道今悲精神之不通

謬諫

亂曰鸞皇孔鳳日以遠今畜鳧駕鶩雞鶩滿堂壇
兮鼃黽游乎葦池要裹奔亡今騰駕橐駝鉛刀進
御兮遙棄太阿拔搦玄芝今列樹芋荷橘柚萎枯
古而固然兮吾又何怨乎今之人

哀時命第十四

哀時命者嚴夫子之所作也夫子名忌與司
馬相如俱好辭賦客遊於梁梁孝王甚奇重
之忌哀屈原受性忠貞不遭明君而遇暗世
斐然作辭歎而述之故曰哀時命也

哀時命之不及古人兮夫何予生之不遘時往者
不可扳援兮俛者不可與期志憾恨而不逞兮杼

中情而屬詩夜炯炯而不寐兮懷隱憂而歷茲心
鬱鬱而無告兮衆孰可與深謀歛愁悴而委情兮
老冉冉而逮之居處愁以隱約兮志沈抑而不揚
道壅塞而不通兮江河廣而無梁願至崑崙之懸
圃兮采鍾山之玉英擥瑤木之禪枝兮望閭風之
板桐弱水汨其爲難兮路中斷而不通勢不能凌
波以徑度兮又無羽翼而高翔然隱憫而不達兮
獨徙倚而彷徨悵惆罔以永思兮心紆軫而增傷
倚躊躇以淹留兮日饑饉而絕糧廓抱景而獨倚
兮超永思乎故鄉廓落寂而無友兮誰可與玩此
遺芳白日晼晚其將入兮哀余壽之弗將車旣敝
而馬罷兮蹇邐徊而不能行身旣不容於濁世兮
不知進退之宜當冠崔嵬而切雲兮劒淋離而從
橫衣攝葉以儲與兮左祛挂於樽桑右衽拂於不
周兮六合不足以肆行上同鑿枘於伏戲兮下合
矩矱於虞唐願尊節而式高兮志猶卑夫禹湯雖
知困其不改操兮終不以邪枉害方世竝舉而好
朋兮壹斗斛而相量衆比周以肩迫兮賢者遠而

隱藏爲鳳皇作鶉籠兮雖翕翅其不容靈皇其不
寤知兮馬陳詞而效忠俗嫉妬而蔽賢兮孰知余
之從容願舒志而抽馮兮庸詎知其吉凶璋珪雜
於甕室兮隴廉與孟姬同宮舉世以爲恒俗兮固
將愁苦而終窮幽獨轉而不寐兮唯煩懣而盈劄
冤眇眇而馳騁兮心煩寃之懔懔志歆憾而不愴
兮路幽昧而甚難塊獨守此曲隅兮然歆切而永
歎愁脩夜而宛轉兮氣涓漚其若波握剗劓而不
用兮操規槩而無所施騁騏驥於中庭兮馬能極
夫遠道置後狘于櫺檻兮夫何以責其捷巧駟跋
鼈而上山兮吾固知其不能陞釋管晏而任臧獲
兮何權衡之能稱筮路雜於廢蒸兮機蓬矢以射
革負擔荷以丈尺兮欲伸要而不可得外迫脅於
機臂兮上牽聯於矰雉肩傾側而不容兮固隱腹
而不得息務光自投於深淵兮不獲世之塵垢孰
魁摧之可久兮願退身而窮處鑿山楹而爲室兮
下被衣於水渚霧露濛濛其晨降兮雲依斐而承
宇虹霓紛其朝霞兮夕淫淫而淋雨怊茫茫而無

歸兮悵遠望此曠野下垂釣於谿谷兮上要求於
僊者與赤松而結友兮比王僑而爲耦使梟楊先
導兮白虎爲之前後浮雲霧而入冥兮騎白鹿而
容與鳧眈眈以寄獨兮汨徂徃而不歸處卓卓而
日遠兮志浩蕩而傷懷鸞鳳翔於蒼雲兮故矰繳
而不能加蛟龍潛於旋淵兮身不挂於罔羅知貪
餌而近死兮不如下游乎清波寧幽隱以遠禍兮
孰侵辱之可爲子胥死而成義兮屈原沈於汨羅
雖體解其不變兮豈忠信之可化志怍怍而內直
兮履繩墨而不頗執權衡而無私兮稱輕重而不
差概塵垢之枉穰兮除穢累而反真形體白而質
素兮中皎潔而淑清時猷猷而不用兮且隱伏而
遠身聊竄端而匿迹兮嘆寂默而無聲獨便帽而
煩毒兮馬發憤而抒情時曖曖其將罷兮遂悶歎
而無名伯夷死於首陽兮卒天隱而不榮太公不
遇文王兮身至死而不得逞懷璠象而佩瓊兮願
陳列而無正生天墜之若過兮忽瀾漫而無成邪
氣襲余之形體兮疾憊怛而萌生願一見陽春之

白日兮恐不終乎永年

九懷第十五

九懷者諫議大夫王褒之所作也懷者思也
言屈原雖見放逐猶思念其君憂國傾危而
不能忘也褒讀屈原之文嘉其溫雅藻采敷
行執握金玉委之汙瀆遭世溷濁莫之能識
追而愍之故作九懷以禪其詞史官錄第遂
列于篇

極運兮不中來將屈兮困窮余深愍兮慘怛願一
列兮無從乘日月兮上征顧遊心兮鄙艷彌覽兮
九隅彷徨兮蘭宮芷間兮葯房奮搖兮衆芳茵閣
兮蕙樓觀道兮從橫寶金兮委積美玉兮盈堂桂
水兮潺湲揚流兮洋洋著蔡兮踊躍孔鶴兮回翔
撫檻兮遠望念君兮不忘怫鬱兮莫陳永懷兮內
傷

匡機

天門兮墜戶孰由兮賢者無正兮溷廁懷德兮何
覩假寐兮愍斯誰可與兮寤語痛鳳兮遠逝畜鳩

今近處鯨鱓兮幽潛從蝦兮遊階乘虬兮登陽載
象兮上行朝發兮葱嶺夕至今明光北飲兮飛泉
南采兮芝英宜遊兮列宿順極兮彷徨紅采兮駢
衣翠縹兮爲裳舒佩兮綈纒竦余劔兮干將騰蛇
兮後從飛駟兮步步微觀兮玄圃覽察兮瑤光啓
匱兮探筴悲命兮相當紉蕙兮永詞將離兮所思
浮雲兮容與道余兮何之遠望兮仟眠聞雷兮闐
闐陰憂兮感余惆悵兮自怜

通路

林不容兮鳴蜩余何留兮中州陶嘉月兮總駕寒
玉英兮自脩結榮蔭兮透逝將去烝兮遠遊徑岱
土兮魏闕歷九曲兮牽牛聊假日兮相伴遺光耀
兮周流望太一兮淹息紆余轡兮自休晞白日兮
皎皎彌遠路兮悠悠顧列李兮縹縹觀幽雲兮陳
浮鉅寶遷兮砢礪雉咸離兮相求泱莽莽兮究志
懼吾心兮憐憐步余馬兮飛桂覽可與兮匹儔卒
莫有兮纖介永余思兮怵怵

危俊

世溷兮冥昏違君兮歸真乘龍兮偃蹇高回翔兮
上臻襲英衣兮緹緝披華裳兮芳芬登羊角兮扶
輿浮雲漠兮自娛握神精兮雍容與神人兮相胥
流星墜兮成雨進隣盼兮上丘墟覽舊邦兮滄鬱
余安能兮久居志懷逝兮心慟慄紆余轡兮躊躇
聞素女兮微歌聽王后兮吹竽蒐悽愴兮感哀腸
回回兮盤紆撫余佩兮續紛高太息兮自憐使祝
融兮先行令昭明兮開門馳六蛟兮上征竦余駕
兮入冥歷九州兮索合誰可與兮終生忽反顧兮

西園觀軫丘兮崎傾橫垂涕兮法流悲余后兮失
靈

昭世

季春兮陽陽列草兮成行余悲兮蘭生委積兮從
橫江離兮遺捐辛夷兮擠滅伊思兮往古亦多兮
遭殃伍胥兮浮江屈子兮沈湘運余兮念茲心內
兮懷傷望淮兮沛沛濱流兮則逝榜舫兮下流東
注兮磻磻蛟龍兮導引文魚兮上瀨抽蒲兮陳坐
援芙蓉兮爲蓋水躍兮余旌繼以兮微蔡雲旗兮

電驚儵忽兮容裔河伯兮開門迎余兮歡欣顧念
兮舊都懷恨兮艱難竊哀兮浮萍汎淫兮無根

尊嘉

秋風兮蕭蕭舒芳兮振條微霜兮眇眇病歿兮鳴
蜩玄鳥兮辭歸飛翔兮靈丘望谿兮滄鬱熊羆兮
响嗥唐虞兮不存何故兮久留臨淵兮汪洋顧林
兮忽荒脩余兮袿衣騎霓兮南上乘雲兮回回疊
疊兮自強將息兮蘭皋失志兮悠悠蒨蘊兮徵鰲
思君兮無聊身去兮意存愴恨兮懷愁

蓄英

登九靈兮遊神靜女歌兮微晨悲皇丘兮積葛衆
體鎔兮交紛貞枝柳兮枯槁枉車卷兮慶雲感余
志兮慘慄心愴愴兮自憐駕玄螭兮北征彘吾路
兮葱嶺連五宿兮建旄揚氛氣兮爲旌歷廣漠兮
馳騫覽中國兮冥冥玄武步兮水母與吾期兮南
榮登華蓋兮乘陽聊逍遙兮播光抽庫婁兮酌醴
援匏瓜兮接糧畢休息兮遠逝發玉輶兮西行惟
時俗兮疾正弗可久兮此方寤辟標兮永思心悌

鬱兮內傷

思忠

覽杳杳兮世惟余惆悵兮何歸傷時俗兮溷亂將
奮翼兮高飛駕八龍兮連螭建虹旌兮威夷觀中
宇兮浩浩粉翼翼兮上躋浮溺水兮舒光淹低徊
兮京汴屯余車兮索友覩皇公兮問師道莫遺兮
歸真羨余術兮可夷吾乃逝兮南娛道幽路兮九
疑越炎火兮萬里過萬首兮嶷嶷濟江海兮蟬蛻
絕北梁兮永辭浮雲鬱兮晝昏霾土忽兮塵塵息
陽城兮廣夏衰色罔兮中怠意曉陽兮燎寤乃息
軫兮存茲思堯舜兮襲興幸咎繇兮獲謀悲九州
兮靡君撫軾歎兮作詩

陶壅

悲執于嗟兮心內切嗟款冬而生兮凋彼葉柯瓦
礫進寶兮捐棄隨和鉛刀厲御兮頓棄太阿驥垂
兩耳兮中坂蹉跎蹇驢服駕兮無用日多脩潔處
幽兮貴寵沙瀏鳳皇不翔兮鶉鷄飛揚乘虹馿蛄
兮載雲變化鷓鴣開路兮後屬青蛇步驟桂林兮

超驤卷阿丘陵翔舞兮谿谷悲歌神章靈篇兮赴
曲湘和余私娛茲兮孰哉復加還顧世俗兮壞敗
罔羅卷佩將逝兮涕流滂沱

株昭

亂曰皇門開兮照下土株穢除兮蘭芷覩四佞放
兮後得禹聖舜攝兮昭堯緒孰能若兮願爲輔

九歎第十六

九歎者護左都水使者光祿大夫劉向之所
作也向以博古敏達典校經書辯章舊文追
念屈原忠信之節故作九歎歎者傷也息也
言屈原放在山澤猶傷念君歎息無已所謂
讚賢以輔志騁詞以曜德者也

伊伯庸之末胄兮諒皇直之屈原云余肇祖于高
陽兮惟楚懷之嬋連原生受命于貞節兮鴻永路
有嘉名齊名字於天地兮竝光明於列星吸精粹
而吐氛濁兮橫邪世而不取容行叩誠而不阿兮
遂見排而逢讒后聽虛而黜實兮不吾理而順情
腸憤悁而含怒兮志遷蹇而左傾心懍慌而不我

與兮躬速速而不吾親辭靈脩而隕意兮吟澤畔
之江濱椒桂羅呂顛覆兮有竭信而歸誠讒夫藹
藹而曼著兮曷其不舒予情始結言於廟堂兮信
中塗而叛之懷蘭蕙與蘅芷兮行中壑而散之聲
哀哀而懷高丘兮心愁愁而思舊邦願承間而自
恃兮徑淫暄而道塵顏徽黻以沮敗兮精越裂而
衰耄裳禱禱而含風兮衣納納而掩露赴江湘之
湍流兮順波湊而下降徐徘徊於山阿兮飄風來
之洶洶馳余車兮玄石步余馬兮洞庭平明發兮
蒼梧夕投宿兮石城芙蓉葢而菱華車兮紫貝闕
而玉堂薜荔飾而陸離薦兮魚鱗衣而白蜺裳登
逢龍而下隕兮違故都之湯湯思南郢之舊俗兮
腸一夕而九運楊流波之潢潢兮體溶溶而東回
心怊悵以永思兮意晻晻而自頽白露紛紛日塗
塗兮秋風瀏瀏以蕭蕭身永流而不還兮竟長逝
而常愁

歎曰譬彼流水紛紛揚礧兮波逢洶湧紛紛滂沛兮掄
揚滌盪漂流隕往觸岑石兮龍叩脰圈繚戾宛轉

阻相薄兮遭紛逢凶蹇離尤兮垂文揚采遺將來
兮

逢紛

靈懷其不吾知兮靈懷其不吾聞就靈懷之皇祖
兮塑靈懷之鬼神靈懷曾不吾知兮卽聽夫讒人
之諛辭余辭上參于天墜兮旁引之于四時指日
月使延照兮撫招搖以質正立師曠俾端詞兮命
咎繇使竝聽北出名曰正則兮卦爻字曰靈均余
幼既有此鴻節兮長愈固而彌純不從俗而諛行

兮直躬指而信志不枉繩以追曲兮屈情素以從
事端余行其如玉兮述皇輿之踵跡羣阿容以晦
光兮皇輿覆以幽辟輿中塗以回畔兮駟馬驚而
橫犇執組者不能制兮必折軛而摧轅斷鑣銜以
馳騫兮暮去次而敢止路蕩蕩其無人兮遂不御
乎千里身衡陷而下沈兮不可獲而復登不顧身
之卑賤兮惜皇輿之不興出國門而端指兮方冀
壹寤而錫還哀僕夫之坎毒兮屢離憂而逢患九
年之中不吾反兮思鼓咸之水遊惜師延之浮渚

今赴汨羅之長流遵曲江之遠移今觸石碣而衝
遊波澧澧而揚澆兮順長瀨之濁流凌黃沱而下
低兮思還流而復反玄輿馳而竝集兮身容與而
日遠權舟杭以橫瀉兮滄湘流而南極立江界而
長吟兮愁哀哀而累息情慌忽以忘歸兮神浮遊
以高厲志蚤蚤而懷顧兮竟眷眷而獨逝
歎曰余思舊邦心依違兮日暮黃昏嗟幽悲兮去
郢東遷余誰慕兮讒夫黨旅其以茲故兮河水滯
滯情所願兮顧瞻郢路終不返兮

靈懷

惟鬱鬱之憂毒兮志坎壈而不違身憔悴而考且
兮日黃昏而長悲閔空宇之孤子兮哀枯楊之寃
雛孤雌唵於高墉兮鳴鳩棲於桑榆玄蟻失於潛
林兮獨偏弃而遠放征夫勞於周行兮處婦憤而
長望申誠信而罔違兮情素潔於紉帛光明齊於
日月兮文采燿於玉石傷獸次而不發兮思沈抑
而不揚芳懿懿而終敗兮名糜散而不彰背玉門
以犇鶩兮蹇離尤而干詎若龍逢之沈首兮王子

比干之逢醢念社稷之幾危兮反爲讎而見怨思
國家之離沮兮躬獲愆而結難若青蠅之偽質兮
晉驪姬之反情恐登階之逢殆兮故退伏於末庭
孽子之號咷兮本朝蕪而不治犯顏色而觸諫兮
反蒙辜而被疑菀薜蕪與菌若兮漸蒿本於溇瀆
淹芳芷於腐井兮弃雞駭於筐籠執棠谿以荆蓬
兮秉干將以割肉筐澤瀉以豹鞞兮破荆和以繼
築時溷濁猶未清兮世蔽亂猶未察欲容與以埃
時兮懼年歲之旣晏顧屈節以從流兮心鞏鞏而
不夷寧浮沅而馳騁兮下江湘以遄迴
歎曰山中檻檻余傷懷兮征夫皇皇其孰依兮經
營原野杳冥冥兮乘騏驎舒吾情兮歸瑛舊邦
莫誰語兮長辭遠逝乘湘去兮

離世

志隱隱而鬱怫兮愁獨哀而寃結腸紛紜以繚轉
兮涕漸漸其若屑情慨慨而長懷兮信上皇而質
正合五嶽與八靈兮訊九魁與六神指列宿以白
情兮訴五帝以置詞北斗爲我質中兮太一爲余

聽之云服陰陽之正道兮御后土之中和佩蒼龍
之蚴虬兮帶隱虹之透蛇曳彗星之皓肝兮撫朱
爵與鷓鴣遊清霧之颯戾兮服雲衣之披披杖玉
策與朱旗兮垂明月之玄珠舉霓旌之帶翳兮建
黃昏之總旄躬純粹而罔愆兮承皇考之妙儀愔
往事之不合兮橫汨羅而下厲稜隆波而南度兮
逐江湘之順流赴陽侯之潢洋兮下石瀨而登洲
陸魁堆以蔽視兮雲冥冥而闇前山峻高以無垠
兮遂曾閤而迫身雪雰雰而薄木兮雲霏霏而隕
集阜隘狹而幽險兮石嶮嵯以翳日悲故鄉而發
忿兮去余邦之彌久背龍門而入河兮登大墳而
望夏首橫舟航而滄湘兮耳聊啾而懍懍波淫淫
而周流兮鴻溶溢而滔蕩路曼曼其無端兮周容
容而無識引日月以指極兮少須臾而釋思水波
遠以冥冥兮眇不睹其東西順風波以南北兮霧
宵晦以紛闇日杳杳以西頽兮路長遠而窘迫欲
酌醴以娛意兮蹇騷騷而不釋

歎曰飄風蓬龍埃拂拂兮艸不搖落時槁悴兮遭

楚辭 下卷 一
傾遇禍不可救兮長吟永歎涕滂滂兮舒情嗽詩
冀以自免兮頽流下逝身日以遠兮

怨思

悲余性之不可改兮屢懲艾而不返服覺酷以殊
俗兮貌揭揭以巍巍譬若王僑之乘雲兮載赤霄
而凌太清欲與天地參壽兮與日月而比榮登崑
崙而北首兮悉靈囿而來謁選鬼神於太陰兮登
閭闔於玄闕回朕車俾西引兮褰虹旗於玉門馳
六龍於三危兮朝四靈於九濱結余軫於西山兮

橫飛谷以南征絕都廣以直指兮歷祝融於朱冥
枉玉衡於炎火兮委兩館於咸唐貫瀕濛以東揭
兮維六龍於扶桑周流覽於四海兮志升降以高
馳徵九神於回壺兮建虹采以招指駕鸞鳳以上
遊兮從玄鶴與鷦朋孔鳥飛而送迎兮騰羣鶴於
瑤光排帝宮與羅圍兮升縣圃以眩滅結瓊枝以
雜佩兮立長庚以繼日凌驚雷以軼駭電兮綴鬼
谷於北辰鞭風伯使先驅兮囚靈玄於虞淵想高
風以徘徊兮覽周流於朔方就顛頊而嗽詞兮考

玄冥於空桑旋車逝於崇山兮奏虞舜於蒼梧漁
楊舟於會稽兮就申胥於五湖見南郢之流風兮
殞余躬於沅湘望舊邦之黯黯兮時溷濁猶未央
懷蘭茝之芬芳兮如蔽離而折之張絳帷以瞻瞻
兮風邑邑而蔽之日暵暵其西舍兮陽炎炎而復
顧聊假日以須臾兮何騷騷而自故
歎曰譬彼蛟龍乘雲浮兮汎淫瀕溶紛若霧兮潺
湲轆轤雲動電發馭高舉兮升虛凌冥沛濁浮清
入帝宮兮搖翹奮羽馳風騁雨遊無窮兮

遠逝

覽屈氏之離騷兮心哀哀而怫鬱聲嗷嗷以寂寥
兮顧僕夫之憔悴撥諂諛而匡邪兮切澗澗之流
俗盪澠淩之姦咎兮夷蠢蠢之溷濁懷芬香而挾
蕙兮佩江蘼之菲菲握申椒與杜若兮冠浮雲之
峩峩登長陵而四望兮覽芷圃之蠡蠡遊蘭皋與
蕙林兮睨玉石之嶮嵯楊精華以眩耀兮芳鬱渥
而純美結桂樹之旖旎兮紉荃蕙與辛夷芳若茲
而不御兮捐林薄而菀歿驅子僑之犇走兮申徒

狄之赴淵若夷由之純美兮介子推之隱山晉申
生之離殃兮荆和氏之泣血吳子胥之抉眼兮王
子比干之橫廢欲卑身而下體兮心隱惻而不置
方園殊而不合兮鉤繩用而異態欲竢時於須臾
今日陰曠其將暮時遲遲其日進今年忽忽而日
度妄周容而入世兮內距閉而不開竢時風之清
激兮愈氛霧其如塵進鳩鳩之耿耿兮讒紛紛而
蔽之默順風以偃仰兮尚由由而進之心憤恨以
冤結兮情舛錯以曼憂蹇薜荔於山野兮采樵枝
於中州望高丘而歎涕兮悲吸吸而長懷孰契契
而委棟兮日晻晻而下頽

歎曰油油江湘長流汨兮桃榆揚波盪迅疾兮憂
心展轉愁怫鬱兮冤結未舒長隱忿兮丁時逢殃
孰可奈何兮勞心惓惓涕滂沱兮

惜賢

悲余心之惓惓兮哀故邦之逢殃亂九年而不復
兮獨煢煢而南行思余俗之流風兮心紛錯而不
受遵壅莽以呼風兮步從容於山藪巡陸夷之曲

行兮幽空虛以寂寞倚石巖以流涕兮憂憔悴而
無樂登嶺岼以長企兮望南郢而闕之山脩遠其
遼遼兮塗漫漫其無時聽玄鶴之晨鳴兮于高岡
之峨峨獨憤積而哀娛兮翔江洲而安歌三鳥飛
飛以自南兮覽其志而欲北願寄言於三鳥兮去
飄疾而不可得欲遷志而改操兮心紛結而未離
外彷徨而遊覽兮內惻隱而含哀聊須臾以時忘
兮心漸漸其煩錯願假簧以舒憂兮志紆鬱其難
釋歎離騷以揚意兮猶未燁於九章長噓吸以於
悒兮涕橫集而成行傷明珠之赴泥兮魚眼璣之
堅藏同鴛羸與棄駟兮雜班駁與鬪茸葛藟蘩於
桂樹兮鴟鴞集于木蘭偃促談於廊廟兮律魁放
乎山間惡虞氏之簫韶兮好遺風之激楚潛周鼎
於江淮兮爨土鬻於中宇且人心之有舊兮而不
可保長遭彼南道兮以征夫宵行思念郢路兮還
顧睖睖涕流交集兮泣下漣漣

歎日登山長望中心悲兮菀彼青青泣如頽兮留
思北顧涕漸漸兮折銳摧矜疑汜濫兮念我熒熒

鬼誰求兮僕夫慌悴斂若流兮

憂苦

管皇考之嘉志兮喜登能而亮賢情純潔而罔歲
兮姿盛質而無愆放佞人與諂諛兮斤讒夫與便
嬖親忠正之悃誠兮招貞良與明智心溶溶其不
可量兮情澹澹其若淵回邪辟而不能入兮誠願
藏而不可遷逐下祆於後堂兮迎宓妃於伊雒荆
讒賊於中厠兮選呂管於榛薄叢林之下無怨士
兮江河之畔無隱夫三苗之徒以放逐兮伊臯之
倫以克廬兮反表以爲裏兮顛裳以爲衣戚宋萬
於兩楹兮廢周邵於遐夷郤騏驎以轉運兮騰驢
羸以馳逐蔡女黜而出帷兮戎婦入而綵繡服慶
忌囚於阱室兮陳不占戰而赴圍破伯牙之號鍾
兮挾人箏而彈緯藏璿石於金匱兮捐赤瑾於中
庭韓信蒙於介冑兮行夫將而攻城莞芎棄於澤
洲兮咆蠶蠹於筐篋麒麟奔於九臯兮熊羆羣而
逸囿折芳枝與瑇瑁兮樹枳棘與薪柴掘荃蕙與
射干兮耘藜藿與蘘荷惜今世其何殊兮遠近思

而不同或沉淪其無所達兮或清激其無所通哀
余生之不當兮獨蒙毒而逢尤雖寥寥以申志兮
君垂差而屏之誠惜芳之菲菲兮反以茲爲腐也
懷椒聊之藹藹兮乃逢紛以羅詬
歎曰嘉皇旣歿終不返兮山中幽險郢路遠兮讒
人譏諛孰可愬兮征夫罔極誰可語兮行唵累歛
聲喟喟兮懷憂含戚何佗傺兮

愍命

冥冥深林兮樹木鬱鬱山參差以嶮巖兮阜杳杳
以蔽日悲余心之惘惘兮目眇眇而遺泣風騷屑
以搖木兮雲吸吸以湫戾悲余生之無歡兮愁控
惚於山陸旦徘徊於長阪兮夕彷徨而猶宿髮披
披以鬢鬢兮躬劬勞而瘖悴竟徃徃而南行兮泣
霑襟而濡袂心嬋媛而我告兮口噤閉而不言違
郢都之舊閭兮回湘沅而遠遷念余邦之橫陷兮
宗鬼神之無次閔先嗣之中絕兮心惶惑而自悲
聊浮遊於山陬兮步周流於江畔臨深水而長嘯
兮且倘佯而汜觀興離騷之微文兮冀靈脩之一

悟還吾車於南郢兮復往軌於初古道脩遠其難
遷兮傷余心之不能已背三五之典刑兮絕洪範
之辟紀播規槩以背度兮鎔權衡而任意操繩墨
而放棄兮傾容幸而侍側甘棠枯於豐草兮藜棘
樹於中庭西施斥於北宮兮妣催倚於彌楹烏獲
戚而驂乘兮燕公操於馬圉蒯瞶登於清府兮咎
繇棄於壑外蓋見茲以永歎兮欲登階而狐疑棄
白水而高鶩兮因徙弛而長詞
歎曰倘佯墟阪沿水深兮容與漢渚滄滄淫淫兮鍾

牙已歿誰爲聲兮纖阿不遇焉舒情兮曾哀悽歛
心離離兮還顧高丘泣如灑兮

思古

九思第十七

九思者王逸之所作也自屈原終沒之後忠
臣介士遊覽學者讀離騷九章之文莫不愴
然心爲悲感高其節行妙其麗雅至劉向王
褒之徒咸嘉其義作賦騁辭以讚其志則皆
列於譜錄世世相傳逸與屈原同土共國悼

傷之情與凡有異竊慕向衰之風作頌一篇
號曰九思以裨其辭未有解脫故聊訓誼焉

辭曰

悲兮愁哀兮憂天生我兮當閭時被詆譖兮虛獲
尤心煩憤兮意無聊嚴載駕兮出戲遊周八極兮
歷九州求軒轅兮索重華世既卓兮遠眇眇握佩
玖兮中路踳羨臯繇兮建典謨懿風后兮受端圖
愍余命兮遭六極委王質兮於泥塗遽倬遑兮驅
林澤步屏營兮行丘阿車軌折兮馬虺頽憊悵立
兮滄滂沲思丁文兮聖明指哀平差兮迷謬愚只
傳舉兮殷周興忌妬專兮郢吳虛仰長歎兮氣節
結悒殞絕兮活復蘓虎兕爭兮於庭中豺狼鬪兮
我之隅雲霧會兮日冥晦飄風起兮揚塵埃走鬯
寔兮作東西欲窺伏兮其焉如念靈閨兮與重深
輒願竭節兮隔無由望舊邦兮路委隨憂心情兮
志勤劬寃煢煢兮不違寐日眩眩兮寤終朝

逢尤

令尹兮謇謇羣司兮讓讓哀哉兮溷溷上下兮同

流菽藟兮蔓衍芳藟兮挫枯朱紫兮雜亂曾莫兮
別諸倚此兮巖穴永思兮窈悠嗟懷兮眩惑用志
兮不昭將喪兮玉斗遺失兮鈕樞我心兮煎熬惟
是兮用憂集慕兮九旬追顧兮彭務擬斯兮二蹤
未知兮所投謹吟兮中壘上察兮璇璣大火兮西
睨攝提兮運低雷霆兮碾礧電靈兮霏霏奔電兮
光景涼風兮愴悽鳥獸兮驚駭相從兮宿棲鴛鴦
兮嚙嚙狐狸兮嶽嶽哀吾兮介持獨處兮同依螻
蛄兮鳴東齋蠹蠹兮號西戟緣兮我裳蠋入兮我懷

蟲豸兮夾余惆悵兮自悲佇立兮初怛心結縉兮
折摧

怨上

周徘徊兮漢渚求水神兮靈女嗟此國兮無良謀
女詘兮譴謔鷓雀列兮譁譁鵠鶴鳴兮聒余抱昭
華兮寶璋欲銜鬻兮莫取言逝邁兮北徂叫我友
兮配耦日陰暝兮未光閔稍霏兮靡睹紛載驅兮
高馳將諮詢兮皇羲遵河臯兮周流路變易兮時
乖瀉滄海兮東遊沐盥浴兮天池訪大昊兮道要

云靡貫兮仁義志欣樂兮反征就周文兮邠岐秉
玉英兮結誓日欲暮兮心悲惟天祿兮不與背我
信兮自違踰隴堆兮渡漠過桂車兮合黎赴崑山
兮馬駮從盧敖兮棲遲吮玉液兮止渴齧芝華兮
療饑居巖廓兮眇疇遠梁昌兮幾迷望江漢兮溲
浩心緊秦兮傷懷時臄臄兮且旦塵漠漠兮未晞
憂不暇兮寢食吒增歎兮如雷

疾世

哀世兮昧昧譏譏兮嗌喔衆多兮阿媚醜靡兮成
俗貪枉兮黨比貞良兮煢獨鵠寘兮積棘鷦集兮
帷幄薊藜兮青葱橐本兮萎落覩斯兮僞惑心爲
兮隔錯逡巡兮圃藪率彼兮畛陌川谷兮淵淵山
島兮砢砢叢林兮唵唵林榛兮岳岳霜雪兮漼漼
冰凍兮洛澤東西兮南北罔所兮歸薄庇蔭兮枯
樹匍匐兮巖石踉蹌兮寒局數獨處兮志不申年
齒盡兮命迫促魁纍濟摧兮常困辱含憂強老兮
愁無樂鬚髮蔓頽兮顛鬢白思雲澤兮一膏沐懷
蘭英兮把瓊若待天明兮立躑躅雲濛濛兮電儵

爍孤雛驚兮鳴啁啁思怫鬱兮肝切剝忿悁悒兮
孰訴告

憫上

悼屈子兮遭厄沈玉躬兮湘汨何楚國兮難化迄
于今兮不易士莫志兮羔裘競佞諛兮讒閱閱指
正義兮爲曲訛璧玉兮爲石鶻鷗遊兮華屋鷄鷄
棲兮柴蔟起奮迅兮奔走違羣小兮誤詢載青雲
兮上昇適昭明兮所處躡天衢兮長驅踵九陽兮
戲蕩越雲漢兮南濟秣余馬兮河鼓霄霓紛兮掩
翳參辰回兮顛倒逢流星兮問路顧指我兮從左
徑姬甫兮直馳御史迷兮失軌遂踴達兮邪造與
日月兮殊道志闕絕兮安如哀所求兮不耦攀天
階兮下視見鄢郢兮舊宇意逍遙兮欲歸衆穢盛
兮杳杳思哽體兮詰詘涕流瀾兮如雨

遭厄

嗟嗟兮悲夫敬亂兮紛拏茅絲兮同縲冠履兮共
絢督萬兮侍宴周邵兮負芻白龍兮見射靈龜兮
執拘仲尼兮困厄鄒衍兮幽囚伊余兮念茲奔遁

今隱居將升兮高山上
有兮兮猴猿欲入兮深谷下
有兮虺蛇左見兮鳴鵙石
睹兮呼梟惶悸兮失氣
踊躍兮距跳便旋兮中原
仰天兮增歎管蒯兮壘
奔藿葦兮千眠鹿蹊兮
躑躑躑躑貉兮蟬蟬鷓鴣兮
軒軒鷓鴣兮甄甄哀我兮
寡獨靡有兮匹倫意欲
兮沈唵迫日兮黃昏玄鶴
兮高飛增逝兮青冥鷓
鷓兮喈喈山鶴兮嚶嚶鴻
鷗兮振翅歸鴈兮于征
吾志兮覺悟懷我兮聖京
垂屣兮將起跲蹠兮須
明

悼亂

惟昊天兮昭靈陽氣發兮
清明風習習兮歛暖百
艸萌兮華榮董荼茂兮
敷疏蘅芷彫兮瑩螟愍貞
良兮遇害將夭折兮碎糜
時混混兮澆醜哀當世
兮莫知覽徃昔兮俊彥亦
訕辱兮係纍管束縛兮
桎梏百貿易兮傳賣遭桓
繆兮識舉才德用兮列
施且從容兮自慰玩琴書
兮遊戲迫中國兮迂陘
吾欲之兮九夷超五嶺兮
嵯峨觀浮石兮崔嵬陟
丹山兮炎野屯余車兮黃
支就祝融兮稽凝嘉已

行兮無爲乃回謁兮北逝通神媿兮冥嫉欲靜居
兮自娛心愁感兮不能放余轡兮策駟忽風騰兮
雲浮蹶飛杭兮越海從安期兮蓬萊緣天梯兮北
上登太一兮玉臺使素女兮鼓簧乘戈蘇兮謳謠
聲噉詭兮清和音晏衍兮要姪咸欣欣兮酣樂余
眷眷兮獨悲顧章華兮太息志戀戀兮依依

傷時

旻天兮清涼玄氣兮高朗北風兮潦烈草木兮蒼
唐蚍蜉兮噍噍唧蛆兮穰穰歲忽忽兮惟暮余感

時兮悽愴傷俗兮泥濁矇蔽兮不章寶彼兮沙礫
捐此兮夜光椒瑛兮涅汗慕耳兮克房攝衣兮緩
帶操我兮墨陽昇車兮命僕將馳兮四荒下堂兮
見蠹出門兮觸螽巷有兮蚰蜒邑多兮螳螂睹斯
兮嫉賊心爲兮切傷俛念兮子胥仰憐兮比干投
劍兮脫冕龍屈兮蛇蟻潛藏兮山澤匍匐兮叢攢
窺見兮溪澗流水兮汙汙鼃鼃兮欣欣鱸鮓兮延
延羣行兮上下駢羅兮列陳自恨兮無友特處兮
榮榮冬夜兮陶陶雨雪兮冥冥神光兮頽頽鬼火

今熒熒脩德兮困控愁不
那兮蓮生憂紆兮鬱鬱
惡所兮寫情

哀戚

陟玉巒兮逍遙覽高岡兮
曉曉桂樹列兮紛敷吐
紫華兮布條實孔鸞兮
所居今其集兮惟鴉鳥
鶻驚兮啞啞余顧瞻兮
怊怊彼日月兮闇昧障
覆天兮祲氛伊我后兮
不聰馬陳誠兮効忠攄
羽翮兮超俗遊陶遨兮
養神乘六蛟兮蛟蟬遂
馳騁兮陸雲揚慧光兮
爲旗秉電策兮爲鞭朝
晨發兮歸郢

食時至兮增泉繞曲阿兮
北次造我車兮南端謁
玄黃納贄贊崇忠貞兮
彌堅歷九宮兮徧觀睹
烈氣兮寶珍就傳說兮
騎龍與織女兮合婚舉
天畢兮掩邪穀天弧兮
射姦隨真人兮翱翔食
元氣兮長存望太微兮
穆穆睨三階兮炳分相
輔政兮成化建烈業兮
乘勳日督督兮西沒道
遐迴兮阻歎志福積兮
未通悵敞罔兮自憐

守志

亂曰天庭明兮雪霓藏
三光朗兮鏡萬方斥蜥
蜴

今進龜龍策謀從兮翼機術配後契兮恢唐功嗟
英俊兮未爲雙

明 新安吳勉學校刻

楚辭卷下終



